

POLELO E TSOANG OFISING EA MOHLOMPHEHI TONA-KHOLO

MONINGOANA

Ka Laboraro la la 16 Hlakola, ~~2000~~ ²⁰⁰⁰ Mohlomphehi Tona-Khoho o ile a ts'oara phutheho le Komiti (Contact Group) e bopiloeng ka Matona a mabeli le Balulasetulo ba Lekhotla la Nakoana la Lipolotiki (IPA) ho latela lipallo tsa tumellano e neng e tekeneloe ke 'Muso le IPA ka la 3 Ts'itoe, 1999. Phutheho ena e ne e ts'oeroe ka kopo ea Balulasetulo ba IPA.

Tletlebo e khoho e hlahisitsoeng ke Balulasetulo ba IPA e ne e amana le Sets'oants'o sa Molao sa Sehlomathiso sa Bone sa Molao oa Motheo (Fourth Amendment to the Constitution Bill) se raliloeng ke IPA 'me sa fetisetsoa ho Lekhotla la Matona (Cabinet) ka khothaletso e reng se fetisetsoe Paramenteng hore se tle se fetohle Molao. Phuthehong ena Balulasetulo ba IPA ba bile le maikutlo a hore Paramente ha e-na tokelo ea ho hlomathisa Sets'oants'o sena sa Molao ka-ha ho etsa joalo e tla be e le ho nyenyefatsa matla ao IPA e a filoeng ka molao.

Mohlomphehi Tona-Khoho o ile a hlakisa lintha tse latelang:

- (i) hore, ho latela khaolo ea 6(f) ea Molao oa IPA oa 1998, IPA e na le matla a ho "khothaletsa (recommend) liphetofo melaong e teng, ho

kenyelletsoa le Molao oa Motheo, esita le ho litsi tse amehang tsa 'Muso hore IPA e tsebe ho fihlela sepheo sa eona". Ka hona, IPA e sebelitse ho latela molao hore e be e entse khotlaetso ka Sets'oants'o sa Molao sa Sehlomathiso sa Bone sa Molao oa Motheo ho Lekhotla la Matona hore se tsebe ho fetela Paramenteng;

- (ii) hore Paramente ea Lesotho ke eona e etsang melao 'me e na le matla 'ohle a ho hlahloba Sets'oants'o se seng le se seng sa molao, ho se hlomathisa esita le ho se fetisa ha feela Paramente e fumana ho lokela joalo. Paramente e etsa sena e sa its'etlehe ka ofisi efe kapa efe kapa motho ofe kapa ofe. Hantle-ntle Paramente ha e eletsoe kapa ho laeloa ke motho ofe kapa ofe kapa ofisi efe kapa efe ha e etsa mosebetsi oa eona;
- (iii) hore IPA ka bomalimabe e na le ho se utloisise moo matla a eona a fellang teng esita le boikarabelo bo boholo ba Paramente ketsong ea molao ho nkelloa le methathi e lateloang mosebetsing ona.

Mohlomphehi Tona-Khoho o ile a eletsa IPA ka matla hore e its'etlehe ka molao ha e etsa mesebetsi ea eona, 'me ha e bona eka matla a eona a nyenyefatsoa e ee Makhohleng a molao. Malebana le ts'isinyo ea IPA ea ho nka boipiletso ho Bababalli ba Tumellano e lipakeng tsa 'Muso le IPA, Mohlomphehi Tona-Khoho o elelitse IPA hore e bolokolohing ba ho etsa joalo ha feela e hlahlobile boemo le lintlha tsa molao tse lokelang ho sebetsa tabeng ena.

END.

OFISI EA MOHLOMPHEHI TONA-KHOLO

17 HLAKOLA, 2000.

